

დანართი

„დამტკიცებულია“



სამხრეთ ოსეთის ადმინისტრაციის

ხელმძღვანელის

2022 წლის 2022 #011 ბრძანებით

უმაღლეს საგანმანათლებლო დაწესებულებებში ერთიანი ეროვნული გამოცდების
საფუძველზე ჩარიცხული რუსეთის ფედერაციის მიერ ოკუპირებული ყოფილი სამხრეთ
ოსეთის ავტონომიური ოლქის ტერიტორიიდან იძულებით ადგილნაცვალი სტუდენტების
სწავლების დაფინანსების წესი

რუსეთის ფედერაციის მიერ ოკუპირებულ ყოფილი სამხრეთ ოსეთის ავტონომიური ოლქის
ტერიტორიიდან იძულებით ადგილნაცვალი სტუდენტების სწავლების დაფინანსების წესი
განსაზღვრავს სტუდენტებისათვის უმაღლეს საგანმანათლებლო დაწესებულებებში სწავლის
დაფინანსების პირობებსა და პროცედურებს.

1. დაფინანსების ოდენობა

უმაღლეს საგანმანათლებლო დაწესებულებებში ერთიანი ეროვნული გამოცდების შედეგების
საფუძველზე რუსეთის ფედერაციის მიერ ოკუპირებული ყოფილი სამხრეთ ოსეთის
ავტონომიური ოლქის ტერიტორიიდან იძულებით ადგილნაცვალი სტუდენტების
დაფინანსებისათვის სამხრეთ ოსეთის ადმინისტრაციის 2022 წლის საბიუჯეტო ასიგნებებიდან
გამოიყოს 24 000 (ოცდაოთხიათასი) ლარი.

2. დაფინანსების მიღების უფლების მქონე პირი

1. ამ წესით დაფინანსება შეიძლება მოიპოვონ რუსეთის ფედერაციის მიერ ოკუპირებული
ყოფილი სამხრეთ ოსეთის ავტონომიური ოლქის ტერიტორიიდან იძულებით ადგილნაცვალმა
ბაკალავრიატის საფეხურის სტუდენტებმა, რომლებიც უმაღლეს საგანმანათლებლო
დაწესებულებაში ჩაირიცხნენ ერთიანი ეროვნული გამოცდების შედეგების საფუძველზე, არ აქვთ
მინიჭებული სრული სახელმწიფო სასწავლო გრანტი (მათ შორის სოციალური პროგრამის
ფარგლებში), არ სწავლობენ სახელმწიფოს მიერ დაფინანსებულ საგანმანათლებლო პროგრამაზე
და არ მიუღიათ დაფინანსება სამხრეთ ოსეთის ადმინისტრაციისგან.

2. ამ წესით დაფინანსების მიღება შეუძლიათ ასევე ბაკალავრიატის საფეხურის იმ სტუდენტებს,
რომლებიც უმაღლეს საგანმანათლებლო დაწესებულებაში ჩაირიცხნენ 2020 წლის ერთიანი
ეროვნული გამოცდების შედეგების საფუძველზე, მიღებული აქვთ დაფინანსება სამხრეთ ოსეთის
ადმინისტრაციისგან 2021 წელს და სასწავლო გეგმით გათვალისწინებული პირველი სასწავლო
წლის სასწავლო კურსების 80%-ში მაინც მიღებული აქვთ უმაღლესი შეფასება -A.

3. დაფინანსების პრინციპი

1. დაფინანსებისთვის გამოყოფილი თანხა თანაბრად ნაწილდება ამ წესის მე-2 მუხლით
განსაზღვრული კატეგორიის სტუდენტებზე, მაგრამ ერთი სტუდენტის მიერ მიღებული თანხა არ
უნდა აღემატებოდეს 600 ლარს.

2. სტუდენტის მიერ მოპოვებული სახელმწიფო სასწავლო გრანტისა და ამ წესით გაცემული თანხის ჯამი არ შეიძლება აღემატებოდეს სახელმწიფო სასწავლო გრანტის მაქსიმალურ ოდენობას (2250 ლარი).

4. განცხადების წარდგენის ვადა

ამ წესის მე-2 მუხლით გათვალისწინებული სტუდენტები დაფინანსების მისაღებად განცხადებას მე-5 მუხლით განსაზღვრულ დოკუმენტებთან ერთად წარადგენენ 2022 წლის 15 თებერვლის 15 საათამდე.

5. დაფინანსების მოსაპოვებლად სტუდენტების მიერ წარმოსადგენ დოკუმენტთა ნუსხა დაფინანსების მოსაპოვებლად სტუდენტებმა სამხრეთ ოსეთის ადმინისტრაციაში უნდა წარმოადგინონ:

ა) განცხადება;

ბ) საქართველოს მოქალაქის პირადობის მოწმობის ასლი;

გ) დევნილის მოწმობა;

დ) უმაღლესი საგანმანათლებლო დაწესებულების მიერ გაცემული სტუდენტობის დამადასტურებელი ცნობა;

ე) უმაღლესი საგანმანათლებლო დაწესებულების მიერ გაცემული სასწავლო ბარათი (იმ სტუდენტებისათვის, რომლებიც მიეკუთვნებიან ამ წესის მე-2 მუხლის მე-2 პუნქტით განსაზღვრულ კატეგორიას.)

ვ) პირადი საბანკო ანგარიში.

ადმინისტრაციის ხელმძღვანელი

დიმიტრი სანაკოევი

